

宋元方志叢刊

中華書局編輯部編

宋元方志叢刊

第八冊



中華書局

新安志序

徽為郡自漢始至於今久矣圖經紀述其事宜詳也試考之則遺闕而不備讀者恨焉此新安志所以作也不悔督將承乏此州而更以圖經先至見其疎略即有意於補次一日對東客語先客言新章貢俸羅君蓋志存於此者訪拾編摩蒐取附益用心勤且著矣僕為驚喜因請之卒業成一家書以表見於時於是新安志出焉上下千載開博采詳摭論正得失皆有據依釐為十卷凡山川道里

新安志 趙序

之險易丁口頃畝之息耗賦貢物產之闕佚以至州土吏治風俗人材皆條理錯綜聚見此書曾無遺者嗚呼可謂盛也羅君以儒學養馳雋聲惟其博物洽聞故論載甚廣而其敘事又自得立言之法讀者必能辨之趙不悔序

新安志序

新安在秦漢為黟歙二縣漢末別於丹陽以自為郡其山川風土則已見於中古矣漸江之水出於鄣山則章亥之所步禹之所錄也桐汭之地為黟故境則楚子西子期之所爭丘明之所記也至於漢氏兩以疏封骨肉為諸侯王國又丹陽郡尉之所理會稽太守之所通皆班班著見至梁蕭幾為新安太守愛其山水始為之記又有王篤新安記唐有歙州圖經國朝太平興國中詔編廣記往往

新安志 自序

摭取之至大中祥符中頒李宗諤所修新圖經於天下則由前諸書廢不顧而官府頃罹曠寇又失祥符所頒特抄取計簿益之以里魁亭父之所隱實者編以為冊餘五六十餘年矣私竊悼之間因閱前史及國典并雜家稗說有及此者稍稍附著後得祥符圖經於民間則綱目粗設益訪故老求遺事思難為一書狀未果就會邦君趙侯開之勉使卒業約敘諸書過咨輒報且諭屬縣網羅金石之文使得輔成其說而書出矣夫斯為記山川道里

者非以示廣遠也務知險易不忘戒也其錄丁口
 頃畝非以覽富厚也務察息耗毋繇奪也其書賦
 貢物產非以給嗜欲也務裁閼陋同民利也至於
 州土沿革吏治得失風俗之媿惡與其人材之眾
 寡是皆有微旨必使涉於學者纂之自上世九州
 之志與三墳五典偕號為帝王遺書而禹貢職方
 氏孔子定之以為經若直抄取計簿以為書則凡
 吏之善書者足以次之矣其施於事也亦朕若直
 據令甲以為治則凡吏之毋害者足以聽之矣蓋

新安志 自序 二

世常以此為無事乎儒而儒亦卒不可廢於世也
 豈持此哉凡十卷名曰新安志侯帝室之胄父子
 昆季皆以文學取第其為政廉靖不擾人亦相與
 安之且去猶惓惓於吾土思欲表章之蓋有不可
 忘者矣淳熙二年三月癸未郡人羅願序

新安志目錄

欽羅願撰

第一卷

州郡

沿革 分野 風俗 封建 境工 治
 所 城社 道路 戶口 姓氏 坊市
 官府 廟學 貢院 放生池 館驛
 倉庫 刑獄 營寨 郵傳 祠廟

第二卷

物產

穀粟 蔬茹 藥物 木果 水族 羽
 族 獸類 畜擾 貨賄

貢賦

稅則 襍錢 夏稅物帛 小麥 秋稅
 糙米 折帛錢 進貢 供物帛 上供
 紙 酒課 稅課 茶課 鹽課 公用

第三卷

欽縣

沿革 縣境 鄉里 戶口 田畝 租

新安志 目錄 一

稅	酒稅	城社	官廨	鎮寨	道路
橋梁	津渡	山阜	水源	古跡	
祠廟	道觀	僧寺	丘墓	碑碣	賢
宰					
第四卷					
休寧	<small>五縣事目略如歙縣</small>				
祁門					
第五卷					
婺源					
新安志 目錄 二					
績溪					
黟縣					
第六卷					
先達					
程儀同	程都督	吳御史	王校正		
汪處士	舒狀元	呂侍郎	大魏太尉		
查祕監	張度支	許司封	謝諫議		
張密學	小魏太尉	查賢良	俞待		
制	俞侍郎	洪比部	聶內翰	許待	

制	許長官	呂狀元	孫工部
第七卷			
先達			
王提刑	汪宣德	洪尚書	胡金部
胡司業	黃侍御	汪丞相	程顯學
凌待制	汪內翰	胡待制	汪少卿
胡殿院	先君尚書	朱吏部	汪樞密
金尚書			
第八卷			
新安志 目錄 三			
進士題名			
賢良方正	一人	進士貢士	二百三十四
人	明經	二人	發運使賜
			第二人
			樂
			成獻頌竝銓試賜
			第共四人
			貢士獻策
			一人
			特奏名
			三十三人
			武舉
			四人
義民			
黃芮	章氏	二女	汪延美
			葉氏
詹惠民			
仙釋			

方儲	許宣平	聶師道	聶紹元	丘
寺丞	鄭姑	程惟象	張擴	智琚
定莊	茂源	謙禪師	瀾大德	雪山
子	寧道者	宗白頭		
第九卷				
牧守				
吳五人	晉三人	宋十二人	齊五人	
梁十三人	陳五人	唐三十五人		
吳楊氏三人	南唐一人	國朝宣和壽		
新安志目錄	四			
二十九人	宣和後見壁者三十六人			
第十卷				
雜錄				
人事	詩話	襍藝	硯	紙
數	神異	記聞	墨	定
新安志目錄終				

新安志卷第一

州郡沿革

欽羅頤撰

徽州新安郡軍軍禹貢職方氏揚州之南境春秋時屬吳吳亡屬越越滅屬楚秦并天下置黟歙二縣屬鄣郡漢武帝元封二年改鄣郡曰丹陽而使都尉分治于歙成帝鴻嘉二年以黟為廣德王國立中山憲王弟孫雲客於此三年薨無子地入於漢平帝元始二年復以為廣德王國立廣川惠王曾孫倫為王傳子赤王莽篡位貶赤為公明年廢

新安志卷一

一

而改黟曰想國光武中興復為黟獻帝建安十三年吳王孫權遣威武中郎將賀齊定黟歙分歙為始新新定黎陽休陽并黟歙為六縣遂割於丹陽置以為新都郡其後避嗣主孫休諱改休陽為海寧晉武帝太康元年平吳以黟之廣德故國為廣德縣隸宣城郡

何承天宋志稱廣德漢舊縣沈約以為二漢志並無之疑是吳所立按吳志呂蒙領廣德長吳錄張純補廣德令則廣德在吳為縣矣朕不知所屬至晉書乃顯隸宣城云

改新都郡曰新安改新定縣曰遂安宋大明八年省黎陽併入海寧止領縣五梁武帝普通三年割吳郡之壽昌來屬復為

六縣自秦漢鄆丹陽及吳新都晉新安皆隸揚州
宋孝建元年分揚州之會稽東陽新安永嘉臨海
五郡為東揚州自後或併或分梁元帝承聖中分
海寧黠歙三縣更置黎陽合四縣立新寧郡與新
安並正屬揚州陳省新寧郡及黎陽縣而新安復
屬東揚州詳經云天嘉三年省新寧郡按陳書天嘉四年以新安
新寧八郡置東揚州則三年初未嘗省要是陳省之耳
隋開皇九年改郡為歙州改始新縣曰新安縣又
併遂安及梁所割吳郡壽昌未屬者皆入新安縣
以隸婺州於是縣之存者黠歙海寧三縣而州治

新安志卷一

二

黠仁壽三年取婺州之新安并復立遂安以隸睦
州於是二縣故地迄今不復今嚴州淳安遂安是
也大業初復以歙州為新安郡治休寧義寧中治
歙武德元年例改郡為州太守為刺史四年越國
公納款於是因其境土以歙州為總管府使持節
總管歙宣杭睦婺饒等六州諸軍事未幾改命王
雄誕為使總管歙睦衢三州七年二月例改都督
府正觀元年罷都督府永徽五年析歙縣置北野
縣開元二十八年正月九日析休寧置婺源縣永

嘉元年盜方清陷州州民拒賊保休寧之山險二
年賊平因析置歸德縣又以平方清因其壘析縣
及饒州之浮梁置祁門縣又以宣州旌德寇王萬
敵平析歙之古華陽鎮置績溪縣而北野歸德二
縣至大曆五年省於是州復統六縣元和六年九
月升上州自罷督府後或隸揚潤二州或屬浙江
江西道節度及宣歙觀察團練使天祐二年刺史
陶雅以楊氏承制拜歙婺衢睦四州都團練觀察
處置等使唐亡吳楊氏南唐李氏相繼有之皇朝

新安志卷一

三

開寶八年下江南於是始復得其職貢於天子隸
江南東路為望宣和三年五月二十四日詔改歙
州為徽州

分野

禹貢淮海維揚州周禮東南曰揚州而不言所直
之宿漢地理志吳地斗分野也粵地牽牛婺女之
分野也而丹陽等郡盡吳分也都在漢為丹陽都
尉治正當斗分天文志又云斗江湖牽牛婺女揚州此郡雖於古
屬揚州狀揚州地廣故符地理志丹陽郡屬豫
晉書天文志丹陽郡入斗十六度會稽郡入牛一

度按古丹陽歙縣地與會稽之富春接是斗牛之交也自南斗十二度至婺女七度於次為星紀於辰在丑故此郡為星紀丑南斗十六度

風俗

自虞夏以州論風土漢用戰國時封域大者兼星以三二數連秦漢二十餘郡地廣則論其略後世郡陜則俗亦別新安故秦二縣在山谷間地廣遠自漢世常使丹陽都尉分治於此逮為郡之後吏治益詳又稍割其三陞以為他郡益陜易治狀其

新安志卷一

四

人自管特多以材力保捍鄉土為稱其後寔有文士黃巢之亂中原衣冠避地保於此後或去或留俗益嚮文雅宋興則名臣輩出其山挺拔廉厲水悍潔其人多為御史諫官者山限壤隔民不染他俗勤於山伐能寒暑惡衣食女子正潔不淫佚雖饑歲不鬻妻子山谷民衣冠至百年不變自唐末賦不屬天子驟增之民則益貧狀力作重遷猶瘵於他郡比年多徙舒池無為界中歛為負郭縣其民之弊好委人事泥葦隴卜筮至擇吉歲市井列

屋猶稍哆其門以僚吉嚮休寧俗亟多學者山出美材歲聯為杼下淞河往者多取富女子始生則為植櫛比嫁斬賣以供百用女以其故或預自苦藏始秦黠地廣今更為小縣俗淳儉績溪谷有二由徽嶺以南壤瘠賦重而民貧其北壤沃賦平人有餘則柔循狀愚民嗜儲積至不欲多男恐子益多而貲分始少蘇公謫為令與民相從為社民甚樂之其後里中社輒以酒肉饋長吏下及佐史至今五六十年費益廣更以為病婺源阻五嶺其趨

新安志卷一

五

鄱陽徑易唐末常使總浮梁德興諸縣鹽權且專其兵與鄱通封疆則民俗近之前世賢吏多表其民之良以為勸和門水入于鄱民以茗漆紙木行江西仰其米自給俗重蠶至熏浴齋潔以餉之此其大凡也賢者察之以施化否則拂之更歸咎於俗

封建

漢廣德夷王雲客孝景皇帝八世孫別自中山靖王勝中山自靖王五傳絕四十五歲成帝鴻嘉三

年六月乃以黥為廣德王國立雲客為王立三年

薨謚夷王無子國除景十三王傳云復立憲王弟孫利卿侯子雲客是為廣德夷王諸侯王表云雲客以

懷王從父弟子紹封獨成帝紀載雲客是憲王孫按雲客之祖孝侯安於

憲王為弟其父戴侯遂於懷王為從父弟則雲客乃憲王弟孫懷王從父

弟子表傳所言是也憲王孫廣德靜王倫平帝紀王子侯表中山

無封利卿者紀脫一第字耳廣德靜王倫靖王傳皆作倫獨廣川

惠王傳作療顏師古曰音愈諸孝景皇帝五世孫別自廣川

侯王表又作倫今姑從紀表惠王越景十三王傳立戴王弟襄隄侯子瘡為廣德王王子侯表亦言

倫是襄隄侯聖之子而諸侯王表乃言倫以戴王子紹封亦當

年夏四月丁酉以故廣德國立倫為王秦惠王四

年薨謚靜王居攝元年王赤嗣三年王莽篡位貽

為公明年廢新安志卷一六

中山靖王傳稱雲客弟廣漢為廣平王薨無後平帝復立倫為廣德王赤靖王後按諸侯王表廣漢至王莽時

猶在安得遽言薨無後此廣德王倫自以廣川系絕故封考之廣川惠王傳可見非續中山也中山子孫侯者二十餘人不應取於見絕之廣川明矣

宋新安王子鸞字孝羽孝武皇帝第八子大明四

年九月自襄陽改封食邑二千戶母商淑儀有寵

子鸞愛冠諸子朝士為上眇遇者莫不入子鸞府

國商貴妃薨帝為立寺以新安為號

新安王延年文帝曾孫泰始二年十一月壬辰封

紹子鸞後

齊新安王海陵恭王嘗為之以永明十一年十一

月辛亥封邑二千戶

梁新安王瑀字時文明帝子也九歲而封後入隋

歷唐至尚書左僕射太宗嘗宴侍臣詔一坐最貴

者先把酒長孫房公相顧未言瑀遽引盃上問之

對曰臣梁朝天子之子隋朝皇后之弟唐朝宰相

天子親家翁上撫掌極歡而罷

陳新安王伯國字宰之文帝第五子天嘉五年八

月己卯封本紀云封新安郡王朕陳

唐新安郡王徽太宗皇帝之孫濮恭王泰之子

新安志卷一七

新安郡王佟元宗皇帝之孫信王瑄之長子

新安郡王訢代宗皇帝之孫嘉王運之子正元四

年四月封官太僕卿

新安郡王洙憲宗皇帝之孫絳王悟之長子太和

八年十一月封

右十一王皆以天子骨肉疏封唯漢廣德兩王實

建國於此餘或采美名以為號不皆之國狀漢魏

以下王不之國朝廷命卿大夫臨郡則稱內史行

郡事故東晉謝靈運王羲之為會稽臨川內史南

朝亦往往有新安內史是郡猶為國而內史特代
王為治名號猶係於其民也故采而列之為楚亦
常以亘冲之子謙唐武氏又常以武三思之子崇
烈為新安王皆假竊名器不足汗簡牘至書頌王
子憚封歙國公汾州刺史王詮封歙縣男之類蓋
自鄒以下者微不復道也

境土

郡境在京師之東南統縣六曰歙曰休寧曰祁門
曰婺源曰績溪曰黟始漢末以古黟歙二縣分為

新安志卷一

八

新都郡地廣大後又稍稍割之蓋古歙縣地之在
今者為歙為休寧為績溪為婺源為嚴州之淳安
為遂安古黟縣之地在今者為黟為祁門為廣德
軍之廣德為建平凡三郡十縣今所存者唐歙州
新安郡之境而已非復漢之新都也朕在唐猶號
大州凡東西廣長四百一十九里南北二百八十
二里

治所

始漢建安中置新都郡立府於始新今嚴州淳安

縣治是也其後薦割以隸婺睦於是隋歙州始治
黟 鄒道元水經注云吳立始新都尉於歙之華鄉今賀齊守之後移出新
亭按華鄉即始新縣華一作葉而賀齊乃新都尉言始新都尉者誤
也但新亭
不知所在 大業中遷治休寧萬歲山義寧中遷歙縣

烏聊山唐及國朝因之宣和三年睦寇方臘既平
部使者遷其城于溪北三里民不以為便事間會
除盧宗原為守有詔同徐閑中相度宗原以為新
城地形不正周四里有餘北皆重山纔能為三門
距溪數里茶鹽載卸者弗便瀕澗卑濕為壘善崩
截山圍築外高內庫瞰臨城中又無濠塹不足以

新安志卷一

九

為固內之則頑石岡隴虛占其半峻峭峻仄不可
以建居止餘皆荒草砂礫之地夏秋山水暴出灌
注城內雨雪則停潦為泥鹽米斷絕又頑石不可
為井土井六七味惡易濁汲澆則人以為苦民以
其故不願舊城據山下平原大勢端正周七里三
十步左有長溪春冬水面二十丈夏秋澗一里許
湍流百尺循城西南而下便於載卸其右則倚山
為城亦臨溪繞城東北不可踰越市皆贊贊民
居寬廣井泉且千所向特以城壁不全故不能守

今若因故基修築足爲險固以此民情願還得旨以舊城爲州以新城爲歙縣且令以漸修築而新城亦卒不爲縣今民間猶號新州宗原城舊州畢明年八月與士民復歸于舊州

城社

城壁之設因山谿以爲險山起於東北至南而止故因而續之以爲城谿亦源於東北抱城而轉至西南而下故假之以爲隍乃穿九井使陰相灌輸上通銅井下通釜底皆谿流之淡爲潭者也其外

新安志卷一

十

羅城周四里二步高一丈二尺子城周一里四十二步高一丈八尺廣一丈三尺五寸唐大中九年修子城中和三年又修羅城至五年增廣城之南北總之爲九里七步咸通六年卽城之西北爲隄以禦水光化中因隄築爲城命曰新城自南唐及國朝無所考宣和中旣平睦寇詔盧公修築乃計其工費聞于朝爲羅城如唐中和五年之制狀其地在令僅號七里三十步乃啓六門東西則一南北各二有富州豐樂表城紫陽通濟太平之名門

皆爲樓又環以敵樓不復爲子城而於儀門外直

南數十百步爲譙樓面勢雄正其外爲宣詔班春之亭先是譙樓在東故嘗穿州治之東廟以出旣南作新譙乃以舊譙基在東者爲門號迎和門五年春三月城旣訖役奏乞令知通都監季申部仕者任滿以相付書於厯庶幾勿壞且奏其屬功於朝改轉各有差又往往卽大輒隱起爲文凡百餘言以戒後之人使毋忘寇難壞則修之其光化中因隄而築號新城者隄旣益摧遇谿水溢時高於

新安志卷一

十一

平地二三丈故常捐之以爲桑野今號新城園紹興二十年火災市人以爲承平時譙門東出則城中列肆不耗士子登第者衆乃遷州楊及鼓角於迎和樓而虛南向譙樓不用乾道八年夏五月前趙侯集六縣各新沿城一門而州則恢復東南譙樓旣具費及今趙侯成之而城樓在西者其旁爲一丈夫巖立金花帽錦袍持弓矢引滿以射西方號蘭將軍如是古矣按蘭將軍名亮歙縣人隋開皇九年平陳併歙歙入海寧以隸婺州廢歙州爲

新安鎮以亮為將主之蓋前則接平陳之役後則接大業之亂此其人必嘗緩帶登陴以弓矢靖難有功於斯人者故歷唐以來設之不廢社在城之南隅

道路

趨京之軌道出東門指績溪由寧國縣入其府濟黃池入太平州渡采石江歷和州及其縣全椒滁州及其縣來安泗州及其縣臨淮自虹靈壁以入于宿取毫之永城南京之穀熟入南京過寧陵拱

新安志卷一

十一

州以達于雍丘陳留至京門為二千六十五里捷則北出踰箬嶺望道泰麻村凡百九十里得寧國府之太平縣歷黃栢嶺曹店凡二百里得池州之大通鎮過江歷蔡家店石鼻村百三十五里得無為軍之廬江縣又百四十五里自航步入廬州又歷下塘廟史源村凡二百五十里至壽州又自蘇村關潭村王家市賢祥村金鈎鎮雙樓市凡四百二十里以入為毫之鹿邑縣又七十里則太康縣矣經咸平縣凡百九十里以入于京門為千六百

里此其道往往不過邳歷邑者商旅之所必易也舟行自西門汎經縣二百石沿新安江而下百二十里以出于境由淳安至嚴州歷桐廬富陽過浙江入臨安府又經崇德至秀州經吳江至平江府經無錫至常州經丹陽至鎮江過揚子江至揚州高郵軍經寶應至楚州歷淮陰虹靈壁三縣至宿州歷永城穀熟至于南京經寧陵至拱州以達于雍丘陳留入京門為三千九十二里今茲趨行在所者舟行六百三十里陸行則南出歷昌化

新安志卷一

十二

於潛臨安餘杭為三百六十里其四出八達之道東出百里至于境又二百二十五里至寧國府西出二百七十里至于境又三百三十里至饒州南出百里至于境又二百六十里至臨安府北出七十五里至于境又二百八十五里至池州東南出百里至于境又二百四十里至廣德軍西南出百里至于境又二百五十五里至嚴州東北百里至于境又四百六十五里至池州西北二百七十里至于境又七百五十里至 州

戶口

吳新都郡不載戶口之數晉新安郡統縣六戶五千宋統縣五戶一萬二千五十八口三萬六千六百五十一隋歙州統縣三戶六千一百五十四唐舊領縣三戶六千二十一口二萬六千六百一十七天寶領縣五戶三萬八千三百二十口二十六萬九千一百九永泰元年冬十月丁亥分宣歙饒戶口於秋浦縣置池州國朝天禧中主戶十二萬一千一百五十口十八萬三千五百二十八客戶六

新安志卷一

古

千九十八口八千七百六十四其每縣主客之數各附其縣中元豐中主戶十萬三千一百一十六客戶二千八百六十八未經界戶十六萬一千一百四十七此經界時所具祖額不的知何年經界戶九萬七千二百四十八乾道八年諸縣主戶十一萬二千五百九十五客戶七千四百八十八合以城內外戶一千九百三十一總為十二萬二千一十四賦自元豐以後不言口數要以郡境土較之狹於晉宋五之二以戶口率之多於前代不可勝計有以見國家世

世仁厚涵養生齒之効其在郡城中者乾道戶千二百八十一口六千八百五十八城外戶六百五十口三千二百八十一歲為可考凡六縣民去僧尼者千有二人為道士者四十六人

姓氏

諫氏元和姓纂云周禮有司諫子孫以官為氏漢有治書御史諫忠見風俗通今望出歙郡余氏風俗通曰戎人由余之後世居歙 別家及下邳

新安志卷一

五

汪氏古諸侯汪芒氏之裔春秋時魯有汪釘以童子死齊師聖人稱之唐歙州刺史汪華居新安故望出新安今黟歙之人十姓九汪皆華後也陳稷州刺史汪綱陳亡自歙州徙河間故又有河間汪氏右鄧名世姓氏辨證云耳按汪芒氏之裔在周為長狄與常人不類獨祖汪錡者近是朕鄧名世以為汪王所居新安而又言陳世汪綱自歙州徙河間則是由陳以上固有居新安者矣姑著其說以待知者

仰氏五代有仰仁詮為刺史千姓編云今新安吳興皆有此姓

聶氏元和姓纂曰衛大夫食采於聶因以為氏辨證云望出河東及新安

查氏顯於文徽為南唐樞密使至國朝秘監陶待制道皆其孫也本音如乘槎之槎切加真宗嘗與

道語及姓氏因謂之曰卿豈不聞京師以件作行人為槎家乎空求音之近而雅者稱之又問姓所起引春秋會吳于粗在加以對自是改稱音若粗

新安志卷一 六

云查氏有孫藻仲文在荆南廣覽好文自言其上世事如此隆興中侍郎郭籥乃其兄子也凡海陵

荆南之查皆出新安姓氏之書又往往載呂氏俞氏皆郡之先賢朕不言望出此郡又自晉亂中

原衣冠多避地來此如謝諫議泌晉太傅二十七世孫魏太尉翊去鄭公十世孫司封逖去淮陽太

守五世皆自見其事中不列於此

潛氏縣有潛氏村晉有人避地家石洞中門徑悉為松蘿所翳每求鹽米晨出夕還人無知者時人

號為潛氏迄今潛姓者數十家同為一村

坊市

坊舊十有二曰宣化曰望僊曰紫陽曰興仁曰化成曰問政曰增明曰和福曰司晨曰通濟曰育村曰安集乾道中尚書郎錢侯數因民割肝股為增立坊曰孝童孝義之屬今往往有存者

官府

州衙在子城之西北正南曰設廳防守庫在東廂之樓甲仗庫在西廂之樓儀門在其南軍資庫公

新安志卷一 七

使酒庫分為左右在儀門之南又南則舊譙樓在焉宣詔班春二亭在譙樓之南設廳之右為小廳

小廳之前為簽廳自餘賓次吏舍如他州之儀皆宣和中盧徽猷所建其堂房之外有紫翠樓有靜

治燕香之堂先是累數守以正堂為不利避弗居至丞相洪公乃啟之以御賓客致尊賢之意號舍

蓋堂而自唐大中以來有黃山樓北望天都諸峯國朝咸平中集賢李學士復踞城西北隔建清心

閣宣和後皆以次起廢而黃山樓亦踞城為之號

黃山堂堂側有兩古木洪公常作亭其間號浮丘
今雖廢民猶指其處又改後圃雙杏堂曰芙蓉堂
舊別有四寶堂以郡出文房四物為義

通判軍州事一員諸州置通判自建隆四年始陳
恭公安定先生皆嘗來為此官廳在州衙東舊有
棣華堂宣和中吳郡李彌綸兄弟繼踵故名

州學教授一員廳在州學之南
軍事判官一員咸平中魯肅簡公嘗為之廳在紫
陽坊

新安志卷一 文

軍事推官一員廳在判官廳之側

兵馬都監一員廳在司晨坊教場之側

添差兵馬都監一員廳在通濟坊

兵馬監押一員廳在孝義坊

錄事參軍一員熙寧三年十一月十九日詔陝府
江寧府鄆青齊杭越蘇婺宿壽宣歙虔洪吉潭廣
福建等州錄事參軍係繁難去處今後並差職官
知縣及奏舉縣令人克其料錢數多資序不該請
者並支錢十五千廳在州院之側

司理參軍一員五代時諸州馬步院判官特以牙
校充選建隆中改馬步院為司寇置參軍以及第
進士九經五經并在銓選人為之其後改曰司理
廳在本院之側

司法參軍一員廳在慈孝坊

司戶參軍一員廳在和福坊

監在城酒稅一員儼居無定處

廟學

先聖廟及學自唐至國朝在城之東北隅太平興

新安志卷一 文

國三年知州蘇補闕遷羅城東門之內街之南烏
聊山上景德三年嘗修之嘉祐四年以山高地狹
不足容眾徙於南園熙寧四年又以南園瀕江地
卑常有泛溢之患復遷烏聊元祐初再徙南園紹
聖二年黃朝散還之於東北隅米禮部芾為書所
為記世所傳歙州新學記是也宣和中焚于睦寇
紹興十一年汪內相始復營建左廟右學規制雄
麗愈於他郡中設知新堂闢八齋以處學者曰殖
齋懋齋益齋裕齋毓齋定齋覺齋浩齋紹興中藏

御書周易尚書毛詩周官中庸春秋左氏傳論語
孝經孟子樂毅論羊祜傳并法帖御製文宣王贊
七十二子贊損齋記凡四十八卷

貢院

貢院自宣和後不復設遇歲大比則毀學之齋壁
以納之坐講堂及廟兩廡皆滿乾道四年郊侯規
大成殿之東故閑地增買民地六百二十餘丈為
屋東西八十間長廊廣廈使士各以其藝別為位
最後則堂以處較藝者自是學舍無毀徹之患士

新安志卷一

三

得去此隘盡思於為文且以稱登能天府之意餘
所買地頗當廟學前者皆虛之又盡徹學前小屋
直南而出以達于遠氣象宏敞是秋遂以試進士
明年登第者十人有為禮部第一御試第三人者
士子宜之

放生池

國朝因唐之制天禧元年詔淮南江浙荆湖舊放
生池廢者悉興之元無池處沿江淮州軍近城上
下各五里並禁採捕紹興十三年詔天下郡各為

池而歲以誕聖日縱魚鼈其中以網罟入者論如
盜於是郡鑿城西墻地以應詔至十八年尚書郎
章侯增廣之作恩波堂好生魚樂之亭後十數年
屋為溪潦蕩去尚書郎錢侯復新其堂而池當春
夏往往與溪匯冬月水泉縮魚無所賴乾道八年
秘閣趙侯徙堂於其右百步篁竹中九爽之地而
臨溪流以放生如天禧故事

館驛

轉運南行衙在慈孝坊

新安志卷一

三

北行衙在司晨坊

新安驛在通濟坊

倉庫

州倉在孝義坊

常平倉在州倉之側

酒稅務在市心面南

公使庫在州治小廳前

醋庫在城東門外

舊有茶倉草場棧場之屬今皆無有

刑獄

州院在司晨坊面東司理院在司晨坊面西大中祥符二年五月饒欽二州奏獄空將降詔獎諭銀臺司以爲州司司理院互有獄空不應編敕之文自今乞委刑部點勘旬奏禁狀不謬者具奏降詔從之

營寨

祥符中有駐泊營屯駐營各二水軍營騎射保節營及新舊牢城營各一今所管廂禁軍凡六指揮禁軍威果營在城東北隅額管四百一十人忠節

新安志卷一

三

在西南隅額三百一十人武雄亦在東北隅二百五十七人廂軍効勇在東北隅一百五十人牢城在西北隅百五十人壯城在西南隅百人其起置不可盡考按皇祐五年閏七月詔淮南江東東西荆湖南北路諸州軍新立就糧禁軍義閔忠節軍大州五百小州三百人其額在舊忠節之下新忠節之上則忠節之制久矣嘉祐四年五月詔江寧等諸帥府新招禁軍以威果爲額請受如宣毅例每指揮不得過四百人諸州置威果當沿此而始

熙寧二年正月樞密院檢會近今淮南江南兩浙福建等路將廂軍團結教閱武藝欲支與威邊請受以州軍小大立定人數自三百人至百人仍改軍額內江南曰武雄從之蓋其可考者如此其外五寨管界寨在歙縣西百八十步王干寨在歙縣東南百里黃山寨在歙縣北百里淡渡寨在歙縣南四十五里中平寨在婺源縣東七十里每寨百人皆以巡檢主之凡禁軍九百七十七人廂軍四百寨兵五百總之爲千八百七十七人

新安志卷一

三

郵傳

五代以來天下郵傳皆役平民建隆二年始命以軍人代之六縣省遞三十五鋪每鋪十人歙休寧祁門黟則又有斥埃三十八鋪每鋪八人凡六百五十四人

祠廟

新安之神諱華姓汪氏績溪人隋將竇歡之從子少以勇俠聞大業之亂以土豪應郡募平婺源寇有功尋爲衆所推保據郡境時四方割據建號者